



Em nizanin wê encama vî biryara Îngilîstanê çî bibe. Gor em teqîn dikin wê ev biryar zêde nebe sedemê helwestekî piratîk li dijî sazîyên gelê kurd. Lê belê girtina vî biryarê bi serê xwe weke gotinekî vala jî nikare were dîtin. Çî dibe bila bibe, ev helwesta dewleta Îngilîstanê li dijî kurdan û nîrxên wan hatiye girtin. Kes nikare li benda helwestekî din a objektîf bimîne. Heke di warê siyasê de li vî biryarê were mêze kirin, ev biryar weke êrişekî li dijî nîrxên gelê kurd e. Divê were zanîn ku PKK an jî KONGRA-GEL li vî welatê ti xwedî hebûnekî sazîyê nî nin lê belê, tê zanîn ku bi hezaran kurdên ku li vî welatê dijîn van rêxistinan hez dikin û wan diparêzin. Hejmara van kesan bi sed hezaran dikere were hejmartin. Lê belê dîsa jî kes nikare vî biryarê vala û bê tesîr bibîne. Di rojên pêş de mumkune ku di pratîkê de jî hin bûyerên negatîf biqewumin. Heke rewşekî wisa derkeve holê, divê kes şaş ne be. Çiqas jî bûyerên pir bi xeter nikaribin derkevin, heke kurd bi hemî beşên xwe nebin xwedî helwestekî pêwîst, dîsa jî wê hinekî berjewendiyên gelê kurd bi kevin tengasiyê.

Weke Îngilîstanê, Almanya jî tim li hember gelê kurd xwedî helwestekî neyênî bûye. Digel pêşketinên demokratîk û krîterên mafên mirovan li Ewropayê, mixabin dewleta Almanya îro jî li hember sazîyên kurdan xwedî helwestekî neyênî ye. Sazîyên kurdan, yên çandî û civakî tim jî alî hêzên ewlekariyê yên Alman ve têne hêşandin. Bê ku ev sazî ti karekî bê zagonî bikin, polîsên alman wan nerehet dikin, endamên wan ditirsînin û pir caran jî rayedarên wan digrin bin çavan. Îro pir rayedar û xebatkarên van sazîyên kurdan di zîndanên Alman-

ya'yê de ne. Pir rayedarên sazîyên kurdan jî bi pera hatine ceza kirin. Lewma, pir kurd hene ku li vî welatê naxwazin û nikarin bibin endamên sazîyên kurdan, an jî rayedarên wan.

Rola Helwesta Kurdan û Ciwan

Li hember dijberiya kurdan tim berxwedanekî hatiye meşandin. Bi taybetî kurdên li Almanyayê bê deng nemane. Bê guman di roja îroyîn de jî li hember vî nêzîkatiya dewletên Îngilîstan û Alman divê bê dengî tinebe. Lê belê ev bédengî divê bi rêbazên demokratîk û di çarçoveya qanûnan de be. Li her welatê Ewropayê derfetên ku kurd bikaribin bikar bînin hene. Heke bi aqil nêzîkatî çê be wê helwestekî pir bi tesîr derkeve holê.

Di vî warê de rola ciwanan xwedî girîngiyekî mezin e. Ez vê tiştê tenê jî bo ku ciwan xwedî hêzekî dînamîk in bilêv nakim. Dema ku em li diyaspora kurdên li Ewropayê dinêrin, beşa wî ya herî bi derfet ciwan in. Bi taybetî di warê fêmkirina mentalîteya ewropî û qanûnên wan de ev beş pir dewlemend e. Di warê jîrbûna fîzîkî de jî ev beş xwedî hêzê ye, di warê zanabûnê de jî. Lewre em dikarin pir kar û xebatê ji ciwanan bixwazin.

Di roja îroyîn de ciwanên kurd xwedî şansên mezin in. Ciwanên ti civakê tine ne ku qasê yê kurdan xwedî şansê mezinbûyîne bin. Di her warê de ciwanên kurdan dikarin hêza xwe bikar bînin. Bi taybetî li welatên YE'yê de derfetên ku ciwan jî gelê xwe re bi feyde bin pir in. Li hember helwestên dewletên Alman û Îngilîstanê rêyên tekoşînê pir dikarin werin fireh kirin. Bi hezaran ciwanên kurd ku li Almanya-

yê û li Îngilîstanê dijîn dikarin bi rêya partiyên siyasî û sazîyên sîvîl rayedarên van dewletan tengav bikin. Lê jî bo vî yekê jî pêwîste ku têkiliyên ciwanên kurd bi wan partî û sazîyên sîvîl re baş bin. Divê di nava wan sazîyan de ciwanên kurd xwedî hêz bin. Bê guman ev jî bi tevlêbûna karê giştî yên wan sazîyan pêk tê. Lewma, berê her tiştî divê ciwan xwe di nava sazîyên polîtîk û yên civakî de bi hêz bikin.

Dema ku em divêjin bila ciwan xwe di nava sazîyên ewropî de bi hêz bikin, divê ku xeteriya helandinê jî neyê jîbir kirin. Qasê ku ciwan dikarin pir derfetan bikar bînin waqas jî ew dikarin xirab werin bikar anîn. Çewa ku pêşeroja gelan bi ciwanên wî ve girêdayî ye, wisa jî pêşeroja gelan dikare bi destê ciwanan bikeve nav xeteriyê. Lewre, divê were zanîn ku dewletên weke ya Alman û ya Îngilîstanê, bi taybetî jî bo helandina ciwanên kurd, pir projeyan dixin û xistine rojevê. Heke ev pîlan neyên zanîn û li dijî wan şiyarî tinebe, bê guman kes nikare jî ciwanên kurd zêde hêviyan bike. Ji ber vê yekê, berê her tiştî divê ku ciwanên kurd xwedî zanistiyekî siyasî û civakî bin. Divê siyasîyê van dewletan baş were zanîn.

Tanzîmbûyîna ciwanan dikare civaka kurd li Ewropayê bike xwedî hêzekî diyasporal. Heke kurd bikaribin bibin xwedî hêzekî diyasporal, di warê dîtina çareseriyekî siyasî û dîplomatîk de jî wê pêşketinê baştir çê bibin. Mixabin em hê nikarin jî bo hêza ciwanên kurd li Ewropayê vî rastiyê bînin ziman. Bingehî heye lê belê, gor em dixwazin û gor pêwîstiyên tekoşînê, hê kêmasî jî pir in. Lewre, di van salên ku çareserî wê pêş bikeve de rola ciwanan pirtir derdikeve pêş. Em jî ji bo vî yekê xwedî hêviyên mezin in.